

Newspaper	UTUSAN MALAYSIA
Date	4 AUGUST 2016

PM harap isu politik di Terengganu tidak berlarutan

'Jangan sampai menyusahkan rakyat'

UM- 4/8/2016



**JOHARDY
IBRAHIM**

Melaporkan dari JAKARTA, INDONESIA

■ JAKARTA 3 OGOS

PERDANA Menteri, Datuk Seri Najib Tun Razak berharap isu politik yang tercetus di Terengganu tidak berlarutan sehingga menjadi sesuatu yang akan menyusahkan rakyat di negeri itu.

"Kita akan tangani soal kedudukan politik di Terengganu, saya tunggu laporan daripada Menteri Besar mengenai kedudukan yang terkini."

"Saya sedang pantau apa yang berlaku di Terengganu. Saya harap ia tidaklah menjadi sesuatu yang menyusahkan rakyat di Terengganu nanti," katanya kepada pemberita selepas menghadiri Forum Ekonomi Islam Sedunia (WIEF) ke-12 di sini hari ini.

Beliau yang juga Presiden UMNO diminta mengulas teguran tajam Ahli Dewan Undangan Negeri (ADUN) Ajil, Ghazali Taib semalam, yang meminta kepemimpinan tertinggi UMNO mengambil pendekatan dan tindakan segera menyelesaikan apa yang dianggapnya kemelut pentadbiran negeri pimpinan Ahmad Razif Abd. Rahman.

Malah, Ghazali dilihat berdiri teguh bersama bekas Menteri



NAJIB TUN RAZAK bersama Pengerusi Yayasan Ekonomi Islam Sedunia (WIEF), Tun Musa Hitam dan Pengerusi MaGIC, Tan Sri Dr. Mohd Irwan Serigar Abdullah (kiri) sewaktu perasmian Global Entrepreneurship Community 2016 (GEC) sempena Forum Ekonomi Islam Sedunia Ke-12 (WIEF Ke-12) di Jakarta, semalam. - BERNAMA

Besar, Datuk Seri Ahmad Said yang juga ADUN Kijal menentang kepemimpinan Ahmad Razif yang didakwa mencadangkan kepada pucuk pimpinan parti agar kedua-duanya dipecat daripada UMNO.

Malah, akhbar melaporkan Ahmad Razif didakwa menyarankan agar diadakan pilihan raya untuk menghentikan masalah membatikan Ghazali dan Ahmad Said.

Ditanya mengenai kemungkinan berlaku pilihan raya menge-



Saya sedang pantau apa yang berlaku di Terengganu. Saya harap ia tidaklah menjadi sesuatu yang menyusahkan rakyat di Terengganu nanti."

NAJIB TUN RAZAK Perdana Menteri

jut, Perdana Menteri berkata, perkara itu tidak boleh diduga.

"Ia adalah tertakluk kepada disiplin anggota Barisan Nasional

(BN) dan mereka telah pun menandatangani pengakuan untuk menyokong kerajaan BN," kata Najib. - UTUSAN